

補註洗冤錄集證



光緒丁丑孟秋  
浙江書局開雕



古有名法之學而無檢驗之書嘉定瞿氏謂創  
自宋孝宗時浙西提點刑獄鄭興裔之檢驗格  
目理宗時湖南提刑宋慈復博采內恕錄以下  
諸書增以己見總爲一編名曰洗冤集錄卽是  
書底本也元明以來代有辨釋如王氏讀律佩  
觴陳氏洗冤集說曾氏洗冤彙編王氏洗冤錄  
補及無冤錄慎刑說未信編結案式等書指不  
勝計 國初康熙間律例館會萃各書校正洗  
冤錄定爲四卷卽是書也是書曾經武林王氏  
山陰李氏會稽阮氏元和張氏萍鄉文氏諸家

重梓既以集證補注續輯及句讀眉批各據所見附益於四卷之中而又以乾隆間部頒圖格及汪氏補遺國氏備考寶鑑編急救方石香秘錄附之增爲五卷後復以瞿氏辨正郎氏合參及姚氏解附梓於後定爲六卷博綜羣言辨疑審似罔不剖析微芒至詳至慎誠以我朝愛恤民命之意永垂久遠故名輩林列精此學者悉能以忠厚仁恕爲心也謹案會典第六百五十四卷內載大縣額設件作三名中縣二名小縣一名每名給發洗冤錄一本選委明白書吏

人與作作逐細講解務令通曉該府州將所屬作作每年提考一次其考試之法卽令每人講解洗冤錄一節明白則從優賞給悖謬卽分別責革并將召募非人懈於稽察之州縣分別查參等語知國家立法之初本不以作作爲微賤而輕之故每年提考與膠庠取士之心同一鄭重誠由關繫民命事非淺鮮充此職者宜何如自知奮勉以仰體聖訓殷殷昭示來茲之至意乎會典又載州縣作作缺額不行募補州縣官及各上司俱交部分別議處倘不將作

作補足因而私侵工食銀兩者州縣官革職提  
問該管上司一併交部議處等語則賢守令躬  
荷殊知爲民父母益宜各知自愛率循成憲無  
蹈廢墜之愆且平日能於此事精切講求則考  
問侷作之時足以辨知優劣賞罰均無濫施而  
臨時相驗胸有主宰亦不至爲巧詐所蒙此誠  
仕優而學之一端不容翫而忽之矣余權杭嘉  
湖道篆勞形案牘之餘輒念民命至重未得此  
書善本爲憾適浙局以江右文壯烈公刊本重  
梓躬任校勘之役因識數語於簡端爲之三致

意焉

光緒五年歲在己卯夏五月前署杭嘉湖兵備  
道候補道福州梁恭辰敬叔甫謹識於豸華堂



序

夫刑書之鑄識者致譏所以慮其法之峻也哀  
矜勿喜賢者有言所以體其情之真也夫聽斷  
於兩造之間其得情較易而驗創於既死之後  
其得情較難然則古人哀矜之意其在斯乎三  
代以下刑法有志而檢驗之有專書則石晉魯  
公和凝及其子宋太子中允蒙所著之疑獄集  
爲最先若宋無名氏之內恕錄平冤錄結案式  
亦復言之綦詳而皆不可得見朝野雜記云宋  
淳熙間鄭興裔浙西提點刑獄創爲檢驗格目



上之於朝分下諸路其自言始時檢驗之法甚  
備其後郡縣玩弛乃輯爲此書是鄭公時古法  
猶有存者宋惠父慈之洗冤錄成於淳祐丁未  
湖南提刑之日序言博采近世諸書薈萃釐正  
總爲一編蓋接踵鄭說而集羣書之大成者也  
習申韓者無不奉爲圭臬兢兢勿敢失墜元海  
鹽令王與作無冤錄多引之明末吏治廢弛而  
此編遂棄僅於太倉王氏箋釋附見條載我

朝南昌曾慎齋甫作洗冤錄彙編高郵王君明德  
作洗冤錄補竝急救各法律例館彙萃成編總

爲四卷乃有全書

頒行海內乾隆間又增檢骨圖格而書以大備嘉

慶初元武林王君又槐取成案足徵醫書可信

者就原錄附書以備參考於是有洗冤錄集證

之名山陰李君觀瀾又以情僞萬變曖昧疑似

非可以意計測度因以其前在山左所得洗冤

錄補遺及洗冤錄備考二書并雜說三十餘條

刪繁就簡摘錄於王君集證之後道光間阮君

其新又錄漢江裘司馬手批洗冤錄數條於坊

本之訛錯者逐一更正又附以經驗成讞並所

習寶鑑篇於末元和張君錫蕃又得禺山令仲  
振旅石香祕錄一篇因其可採合讐而考訂之  
乙其段落分其句讀條分縷晰節目瞭然淮北  
同知童濂因原書第五卷之彙纂補輯皆集證  
補註所已有其附刊之寶鑑篇及石香祕錄雜  
以歌訣詞多俚俗一併刪去而以閩中葉氏所  
著作吏要言一卷雲間朱氏闡解之十二則簡  
明易知附刊於後嘉定瞿君中溶又得元刻宋  
淳祐本校正今刻復以全椒吳氏袖珍本及咸  
淳毘陵志序考訂文獻名曰洗冤錄辨證瞿爲

錢少詹大昕之壻宏通博雅學有師承其所引多採摭經義卓然名通較諸家爲最勝郎君錦麒又爲檢驗合參引前人所已言者而訂正之頗有條理姚君德豫更爲洗窻錄解辨論亦精當而乃自稱爲未定稿則示謙也是數篇者或博采羣言或身歷實境反復質難甚於師友其同爲惠父之功臣不可信乎獨惜童君輒以已見刪去阮氏之彙纂補輯及寶鑑篇石香祕錄等書未免偏於一是夫黃庭內景尙傳七字包易編次亦有韻言事取便民無妨淺近如必語

出雅馴則檢驗之論不嫌直率耶余因復爲采  
入而補刻於第四卷之後而辨正合參錄解三  
種又後於此謂之續增復仿張氏之法以丹黃  
分其句讀段落評論於是朗若列眉諸家之說  
燦然紙上而惠父書以大備矣嗟乎堯舜之世  
不能無皋陶之明刑況東南當大亂以後人心  
初定無論伏莽易釁而濱海諸區民多桀鷲豆  
觴細故卽啟猜嫌不僅慮麇茅之歌諷也

天子

勤求吏治慎刑之詔至再至三爲民牧者誠以  
此書盡心推求發其伏而摘其奸則地下無不

白之哀鏡中無可售之詐寃雪而暴除暴除而  
良安推而至於刑錯兵銷胥是道也不然徒矜  
決獄之才而不稽之於故實一旦草率定讞鯨  
鱷漏網而泉壤含寃以致一檢再檢擾及於旣  
餒之魂其哀矜之意將安在耶夫法家之言浙  
人講求爲多而余又適撫是邦且念

國

朝之首爲洗寃彙編者固吾南昌之人也因付  
局剞劂而於梓成之日序而行之

光緒五年歲在徒維單闕仲夏之月撫浙使者  
南昌梅啟照謹序并書

欽定四庫全書子部目云洗冤錄二卷永樂大典原

本宋人宋慈撰慈字惠父始末未詳是書自序  
題淳祐丁未結銜題朝散大夫新除直祕閣湖  
南提刑充大使行府參議官序中稱四權臬司  
於獄案審之又審博採近世諸書自內恕典以  
下凡數家薈萃釐正增以己見爲一編名曰洗  
冤集錄刊於湖南憲治後來檢驗諸書大抵以  
是爲藍本而遞相考究互有增損則不及後來  
之周密也夫洗冤錄一書入官佐幕者無不肄  
習而於書之來歷則未之知也故特標於卷首

嘉慶十二年歲次丁卯三月十二日會稽阮其

新錄於浙江撫署之誠本堂官對蔡香無不

呈為釐本而... 亦突且... 似限不... 又...

... 亦突且... 似限不... 又...

... 亦突且... 似限不... 又...

... 亦突且... 似限不... 又...

... 亦突且... 似限不... 又...

... 亦突且... 似限不... 又...

... 亦突且... 似限不... 又...

... 亦突且... 似限不... 又...

卷





獄莫大於人命罪必憑諸屍傷夫人而知之也  
容或有傷痕在隱見疑似閒兇犯由是狡賴爰  
書因而莫定不亦難乎

欽頒

洗冤錄經律例館校正刑官遵循理獄莫之或  
訛禮云命理瞻傷察創視折審斷決獄訟必端  
平誠以傷有錯而冤不可洗例一成而法不能  
變生死均失平矣予幕學數十年未敢掉以輕  
心而於人命尤兢兢焉凡成案足徵醫書可信  
于驗傷檢骨有關涉者就原錄門類隨時附書  
以備參考執政卿宰見而許之咸命公諸世子

